

26 August 2025

1700Hrs

- یوہ آکاشوانی جموں بے عالم خان بکلہ تیں خبر سٹنو پہلاں خاص خاص خبر۔
- 1۔ وزیر اعلیٰ عمر عبداللہ نے اعلیٰ سطحی میٹنگ غی صدارت کر غے پورا جموں کشمیر مانہہ سیلابی صورتحال نال نمڑن واسطے چایا گیا اقدامات غو جائزو لیو ہے۔
 - 2۔ جموں خطہ مانہہ پہاری با رش غی وجہ نال سیلاب غی صورتحال پیدا ہو گئی ہے۔ کئی دریا تے ندی نالہ خطرہ غا نشان تیں اُپر بگ ربیا ہیں۔ تے کئی سڑک دُڑ گئی ہیں۔
 - 3۔ ڈوڈہ ضلع مانہہ پہاری با رش تیں بعد آیا سیلاب غی وجہ نال 3 افراد غی موت واقع ہو گئی ہے۔ کئی ڈھانچاں نانہہ نقصان پُچیو ہے۔ کٹڑا ماتا ویشنو دیوی یا ترا رستہ ور ادکوارى گا مقام ور پسى پین غی وجہ نال یا ترا جزوی طور ور ملتوی رکھی گئی ہے۔
 - 4۔ خراب موسمی صورتحال غے پیش نظر پلک تیجے تیہاڑے وی تمام سرکا ری تے نجی اسکول بند رہیں گا۔ جموں سرینگر قومی شاہراہ وی اج گڈیاں غی آؤ جائی واسطے بند ہے۔
 - 5۔ سرکا ری ہائر سکینڈری اسکول جندڑہ غا اُستاد کلدیپ گپتا نانہہ قومی ٹیچر ایوارڈ 2025 واسطے چنیو گیو ہے۔

ہن خبر تفصیل نال۔

CM Meeting

وزیر اعلیٰ عمر عبداللہ نے اج سویرے اک اعلیٰ سطحی میٹنگ غی صدارت کر غے پورا جموں کشمیر مانہہ تیز با رش تیں بعد پیدا ہوئی سیلابی صورتحال واسطے چایا جا رہیا اقدامات غو جائزو لیو ہے۔ میٹنگ غے دوران اُنہاں نے عہدیداراں نانہہ ہدایت کی ہے جے وے اعلیٰ چوکس رہیں، لگا تا ر نگرانی نانہہ یقینی بناویں تے قدرتی آفات نال نمڑن آلی ٹیماں نال نیڑوون تال میل رکھیں۔ وزیر اعلیٰ نے جموں خطہ مانہہ سنجیدہ سیلابی صورتحال ور فکر مندی ظاہر کی۔ تے اعلان کیو ہے جے وے ذاتی طور حالات ور نگرانی واسطے جموں آرہیا ہیں۔ اس دوران وزیر اعلیٰ نے ڈپٹی کمشنراں نانہہ کہیو ہے جے

=====

.....

.....

Control Rooms

جموں خطہ مانہہ سیلاب غی زد مانہہ آن آلا تمام ضلعان مانہہ انتظامیہ اعلیٰ چوکسی ور ہیں تے متاثرہ افراد نانہہ محفوظ مقامات ور پجایو جا ریو ہے۔ اور اس سلسلہ مانہہ بیلپ لا ئین نمبر قائم کیا گیا ہیں، سیلاب غی روک تھام تے آپا شی محکمو، صحت اور ہنگامی خدمات اعلیٰ چوکسی ور ہیں۔ اور اس سلسلہ مانہہ متعلقہ محکماں غا ملازمیں غی چھٹیں وی ملتوی کر دتی گئیں ہیں۔ حکام نے تمام 10 ضلعان واسطے بیلپ لا ئین نمبر جا ری کر دتا ہیں۔ تے لوکاں نانہہ مشورو دتو گیو ہے جے ہنگامی حالات مانہہ ان نمبرات ور رابطو کریں۔ اس سلسلہ مانہہ جموں واسطے نمبر 0191-2571616، سانہہ واسطے نمبر ہے 0192-3241004، کٹھوعہ واسطے نمبر 01922238796، ڈوڈہ واسطے نمبر ہے 9596776203، کشتواڑ واسطے نمبر ہے 94842-17492۔ یہ نمبرات تمام سرکا ری سماجی میڈیا پلیٹ فارماں ور وی دستیاب ہیں۔ اس با رے مزید جانکا ری دے رہیا ہیں اے ایس پی اڈھم پورسندیپ بھٹ۔ با ٹ۔

یہ خبر تم آکاشوانی جموں تیں سن رہیا ہیں۔

Schools Closed

جموں خطہ مانہہ موجودہ سیلابی صورتحال غے پیش نظر پلک تیجے روز وی تمام سرکا ری تے نجی اسکول جموں خطہ مانہہ اسکول بند رکھیا گیا ہیں۔ اسے دوران جموں کشمیر اسکولی تعلیمی بورڈ نے پلک یعنی 27 اگست نانہہ ہون آلا دسویں تے گیا ریں جماعت غا امتحان ملتوی کرن غو اعلان کیو ہے۔ نوی تا ریخاں غو اعلان کنی کیو جائے گو۔

Traffic Halted

جموں سرینگر قومی شاہراہ ور اج کئی تھاریں پسی تے پتھر آجان غی وجہ نال شاہراہ دوباں پاساں تیں گڈیاں غی آؤ جا ئی واسطے بند ہو گئی ہے۔ حکام نے لوکاں نانہہ مشورو دتو ہے جے وے موسمی صورتحال بہتر ہون تے سڑک صاف ہون توڑی سفر کرن تیں گریز کریں۔ اسے طرح جموں اڈھم پور سڑک وی پسی پین تے پانی جمع ہو جان غی وجہ نال گڈیاں غی آؤ جا ئی واسطے بند ہے۔ آواں ریا سی ضلع مانہہ کٹڑا شیو کھوڑی سڑک وی پہاری با رش تیں بعد آئی پسیاں غی وجہ نال بند ہے۔ تے گڈیاں نانہہ متبا دل رستاں

آلے پا سے موڑیو گیو ہے۔ مسافراں نانہ مشورو دتو گیو ہے جے ٹریفک متعلق
جانکا ری واسطے سرکا ری پلیٹ فارماں ور رجوع کر سکیں۔

Teacher Award

جموں کشمیر واسطے اک فخریہ لمحہ مانہ سرکا ری ہا ئر سکینڈری اسکول
جندڑہ غا اک اُستاد کلدیپ گپتا نانہ معروف قومی ٹیچرز ایوارڈ 2025 واسطے
چُنیو گیو ہے۔ کلدیپ گپتا اُن مُلک گیر 45 اساتذہ مانہ شامل ہیں جن نانہ
تعلیم غا شعبہ مانہ بہترین خدمات غی خاطر اس ایوارڈ واسطے چُنیو گیو
ہے۔ یہ ایوارڈ 5 ستمبر نانہ ٹیچرز ڈے غا موقع ور وکیان بھون مانہ دِتا جا ئیں
گا۔ جس مانہ اک سند، 50 ہزار روپیہ نقد انعام تے اک چاندی گو تمغو دتو جا ئے
گو۔ کلدیپ گپتا غی یاہ کامیابی پو را خطہ، اسکول، اُن گا ساتھیان تے
عہدیداراں واسطے فخر غو لمحو ہے۔

Football

جموں کشمیر واسطے اک فخریہ لمحہ مانہ دانش فاروق بھٹ نانہ قومی
فُٹ بال ٹیم مانہ چُنیو گیو ہے۔ جموں کشمیر بینک فُٹبال ٹیم غا سابق کھلاڑی
دانش نے اپنا بُنرتے جذبہ نال قومی سطح ور یوہ موقعو حاصل کیو ہے۔ وزیر
اعلیٰ عمر عبداللہ نے اس کامیابی ور دانش فاروق بھٹ نانہ مبارکباد پیش
کی ہے۔ اپنا اک سماجی میڈیا پیغام مانہ وزیر اعلیٰ نے اُن نانہ نیک
خواہشات پیش کی ہیں۔ تے کہیو ہے جے یوہ کھلاڑی جموں کشمیر غا
نوجوانوں واسطے اک مثال ہے۔

اس غے نال ہی خبراں غو یوہ بلیٹن ختم ہوؤ۔